

DF
901
I66F8

Fu'ad, 'Ali
Atalarımız Turkiyeden

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

افادہ مخصوصہ

بحر سفید ولایتندہ آتی سنہک بر کذارش حیات ، آطہلر
حقندہ - قسماً اجنبی مؤلفلرک محصول فکر و قلمی اولوق اوزرہ -
شیمدی بہ قادر و بریلن معلوماتک نہ درجہ لردہ ناقص و خطا آود اولدیتنی
بوتون و ضوحیلہ بکا ارانہ و اثبات ایتمشدر .

آطہلرک و آطہلیلرک ایچ یوزلرینہ نفوذ ایتک صورتیلہ احوال
عمومیہ سی نہدر ؟ تورکیا و اناطولی بہ تمامی ارتباطان ، یونانستان
و یونانلیرہ عدم اتنسباتانی نہ کبی اساسات و حقائقہ مستنددر ؟

یواسنہاملرہ بحق جواب برہ جک بوکورالده نہ برائر ، نہدہ بر
سالنامہ واردہ بونلرک بالحاحہ شو زمانده و موائق حقیقت برزمینده
تعمین و تثبیت ابدلہ سی و بونولدهده حکومتہ و ممالکتمہ بر خدمت
ایفاسی لزومنه قانع اولارق بواژ ناچیزک تحریر و نشرینہ استحصالی
موقوفیت ایتکلمہ مباهی ہم .

کتاب مدونہ کی مہمات و مہملاتی توضیح و تصحیح ایچین
یوروتدیکم مطالعات و محاکاتی علی قدر الامکان خطالردن تجرید و تنزیہ
چالیشدم . تدقیقات و اجہاد اتمدہ کورولہ جک قصورلرک حسن بیتہ
باغیشلانماسنی مطالعین کرامدن رجا ایدہرم .

قسطنطنیہ : ۱۵ حزیران ۱۳۳۸ آمیرال مورمل عارف اوغلی

ع . نواد

Fuad, 1913
Kızlarımla Türkiyeden, Anadoludan
ayrılmak

تورکیادن، آناتولودن آیریلماز



محرری
قسطمون و لایق مکتوبجیسی
علی فواد



قسطمون مطبعه سنده طبع اولنشد

۱۳۳۸

اطه لرمز

آق دكزده کی اطه لرمزك ، جزائر بحر سفید و لایتمزك موجودیتنی بیلمه بن ،
 طرابلس ضرب و بالقان حربلرندن بری اونلری سراتت روحبله دوشونمه بن برون
 اولادی تصور اولوناماز .

آناطولیمزك نا چناق قلمه بوغازندن سوریه قطعه سنه قدر ساحلرینه موازی
 برر نکهبان طبیعی اولهرقی دیزوب یایدینی بواطه لرمزك جغرافی ، الضباطی و عسکری
 وضعیتلری نقطه سندن آناطولی ابله هلاقه لری بك زیاده حائر اقیمت و اهمیتدر .
 برلی ، همانلی روملرمزك مخفی تابیت یاردملرندن ، مغایر صداقت شپار قلقلرندن
 بالاستفاده یونانلیرك بالقان حربنده موقناً اللرینه کچیر دکلری برقاچ اطه منزله معین
 برزمان ایچین ایوم ایتالیا حکومتی طرفندن اداره ایدلمکده اولان دیگر جزیره لرمزك
 یونانستانه هاندق ادعای نافرمانه قارشى ، ساقزده صوك آلتی سنه لك ماموریم
 اتناسنده اطه لر حقه سنده کی معلومات و ندقیقانی ، دیار بکر و لایتی دفتر دار اسبقی
 سعبدک برادر مزكی ارباب وقوف و عرفانک معلوماته ده مراجعت ایتمک صورتبله
 توسیع ایدرهك نشر ایتمکی - زمین و زمانه موافق اوله جفتی بالتأمل - فائده دن
 خالی کورمه دم .

معلومدرکه جزائر بحر سفید و لایتی ردوس ، سافز ، مدالی و لیمتی اسملرنده
 درت لوایی [۱] و استانکوی ، سومبکی ، قاشووط ، کرپه ، مه بیس ، لربوز ،

[۱] اولجه قبریس اطه سده ولایت داخلنده برلوا ایدی . باطولک روسیه طرفندن تخلیه سنه
 قانار ۱۲۹۵ تاریخلی معاهده موججه موقناً انکلز لرك اداره سنه ترك و تودیع اولونمشیدی ،

قالنجیوز ، قارپوط ، مولوه ، صیغری ، پیلیمار ، امروز و بوزجه آطه ناملرنده اون اوج قضایی قاستلوز ، لیندوس ، هرکیت ، ایلباکی ، اینجیرلی ، قلاموتی ، وویسو ، قاردامیلا ، ایسارار [۱] ، آستروپالیسا ، پانونز ، یهرا ، پولهنیت ، قالونیا ، مانداماندا ، آیاسو ، موندروس ، بوزبابا و سمادیرک اسملرنده اون دو قوز ناحیهیی و متعدد مسکون و غیر مسکون آطه بقلری احتوا اتمشدر .

قضا و ناحیه لردن مدلی آطه سنده مولوه ، صیغری و پیلیمار قضا لر یله یهرا ، پولهنیت ، قالونیا ، مانداماندا ، آیاسو و ردوس آطه سنده قاستلوز ، لیندوس و ساقر آطه سنده قلاموتی ، وویسو ، قاردامیلا و لیمفی جزیره سنده موندروس ناحیه لردن ماعدا قضا و ناحیه لر هپ آطه لردن هر کبدر ، با حشمر کده جهات مهمه سی آطه ره انحصار ایده جکدر .

بو آطه لردن قارپوط ، پانونز ، لریوز ، قالنجیوز ، سومبکی ، آستروپالیسا ، هرکیت ، اینجیرلی ، ایلباکی ، کرپه ، قاشوط و مه بیس اسملرنده کی اون ایکی آطه (جزائر اتی عشر) اسپوراد آطه لری (Les Sporades) [۲] نامی آلمشدر .

اسپوراد آطه لرینک هریری ، دولته سلاطین عظامک فرامین عالیه سی [۳] موجبجه مأمورین معاشاتک بیله تأمیننه غیر کافی و جزئی رتکلیف مقطوع ایفا اتمک صورتیله جهاتک هیچ بر طرفنده مثلنه تصادف ایدیله میه جک طایفه تکار مساعدات و امتیازاته مظهر اولمشدر .

بوتون بوجزائر مبحوئه تک موقعا اناطولی ایله اولان علاقه و ارتباطی — هر برینک تعریفی صره سنده دلالتی کوستریله حکمی اوزده — نقاط مختلفه دن ناصیل بر اساس هدیم الاندارس ایله مقید و مشیدایسه ، آطه لرک برچو غنده ساکن غیر مسلمانلرک نشات ایستکری نسل قدیمه اضافه هر قاده نه لیلکله [یونانیلکله] هیچ بر مناسبتری اولمادیفی نار بخلرک شهادت راست کویا نیله مثبت و مؤیددر .

[۱] ایسارار ، مقدما قضا شکلنده اداره اولونوردی .

[۲] اسپوراد ، داغنیق مناسنده در .

[۳] فرامین عالیه تک فطو فرافله استساخ اییدر دیکم صورتتری ، سافزک آن سقوطنده بوتون اشیای بیتیمه له برابر ترک اییدیکم قیمتدار کتا بلرم و اوراق آراسنده قالمش و مع الاسف بحر اولمشدر .

اطهرك سوابق تدقيق ايديلهك اولورسه بوحق-ايق تكميل اينجه لكريله
 تبلر ايدر . اطهر ، دائما عثمانلى وتوركيا ماليدر ، اناطولىدن افتراقه قابلق
 بوقدر . اغماض عين ايله عكسى ادعا وترويج ، غير قابل اجتناب غوائلك نحدث
 وتواليسنه ، حتى هربار نائرة حرب وضربك علورنر اشتعال اولماسنه سببیت ويرمك
 ديمكدر .

ساحل لرينه بايشمشجه سنه اناطولينك قوجاغنه اتيلمش واوچ ، درت يوز
 سنه دنبرى توركار طرفندن اداره ايدلمش اولان بواطه لرى يونانستانه ترك وفدايتك ،
 بويوزدن اتش جدالى دائما كوروكه ملك ؛ مسالمت هموميه يني مهلك وضعيته لره
 دوشورمك ديمكدر كه . بونك مسئوليتنى دولنردن هيچ برينك درعهده ايتك
 ايسته ميه چكنه قانفر .

واقعا يونانلر ، اطه لره اكثر تى روملك تشكيل ايتدكر نى ووقتيه يونانليرك
 مالكندن معدود اولماسندن ناشى اطهرك وارث يكانه سى اولدق لرى درميسان ايله
 جمعيت اقوام احكامنه اتباعاً اطه لره صاحب اولمقده كنديلرى حقلى كو-ترمك
 ايسته بورلر . خيالى ، افسانوى ذهنيت لره مشبوع اولان بو طبلر ك ، بومطالع لرك
 برچوق عوامل سياسيه واسباب عسكريه دولاييسيله ده هيچ بر زمان جاي تطبيق
 بولايه جغه شبهه اتمه روز . صوكر ، هر دوات بر حكومتدن بيكر چه ، بوزلر چه
 سنه اول ضبط ايدوب حوزه حاكميته ادخال ايتدكي لايمد بلده لرك شيمدى استرداد
 تشبثانى قارشيسنده قالماسى لازمكدر ! . .

بو واديه طناب كلامدن صرف نظرله بالا پرواز يونانستانه نارنجى كوزدن
 كچيرمه سنى اخطار ايتمكى كافى كوروروز .

ا كر يونانلير ، حقيقه (مه فالى ايده آ) صاحبي ايسه لر (1) و قتيه افنديسى ، ولى
 نعمتى اولان توركيانك كنديسنه بخش ايتديكى اراضى يي حسن محافظه و اداره به موفق
 ومقتدر اولمى دوشونسونلر ، محترص ، مفترس اللرى هر زمان بى حكر ، پارچالامغه
 قادر بولونان آناطولى به وبلاضافه اطه لره ، ترا كياهه زانمقدن توى بى سى لرك
 قوتنك ، تورك ضربه سنك نه قادر قاها اولديغى آجى تجر به لريله بيليرلر كه بوضوك
 زمانلره بويونر بولرى لاقبيله تخمه ايتملر در ا .

اطه لرك جامعه عثمانیه دن آیرلیق وضع استمدادنده بولونما دیغنه د اثر اوسه تریا
و بحارستان بحر به سی امرای مشهوره سندن برذاتك بالقان حربی هتکامنده « نوبه
فرا به پر سه » غزته سنده انتشار ایتیش اولان شایان مطالعه بر مقاله سنك بعض فقره لرینی
— بحتمزه تعلق اعتباریه — عیناً نقل ایتکی مناسب کوردك .

صاحب مقاله ، اطه لرد کزننده کی جزائرک اوج درت عصر د نبری دولت عثمانیه نك
اداره سی النده بولوندوغنی ، بونلردن بونان طو پر اغنه جوار اولان « سیقلاد »
اطه لرینك اسکی بونان عصیاننده و کرید جزیره سنك ده بالقان بحار به سی نتیجه سنده
تور کیانك لندن چیقده یقی دور و دراز اکلاندقند نصکرا دیورکه :

« کرید اطه سی تور کیالیمین نه درجه لرده مهم ایسه ، چناق قلعه بوفازینك یاقیندن
مدخل خار جیسینی تشکیل ایدن بوزجه اطه ، امروز ، لیمنی و سمندره (سمدیرک)
اطه لرینك اهمیت ده اولسبتده عظیمدر .

سمندره هپسندز منبت ایسه ده قیمت عسکر به سی آذر ، چونکه دونامایه استادگاه
اوله بیله جک لیمانی یوقدر . امروزك و بوزجه اطه نك مکمل لیمانلریه ، بوزازه
نظارت و حا کیتی دولایسیله قیمت عسکر به لری بویو کدر . بواطه لرده بولونه جق بر
ترصد (فیلوتیلامی : Flotilla) [۱] بوزازه کبره جک و چیقده جق اولان بوتون
سفافی کوزندن قاجبر مامنه مقتدر اولور . حرب حاضرده — بالقان حربنده —
بحاربات نبره ، هپ بوساحده جریان ایتشدر .

بواله لر تور کیانك باشقه بر دولت النده بولونه جق اولوسه چناق قلعه بوفازی
و استانبول شهری هر زمان تهدیده معروض قالبر .

لیمنی ده بویله . هر نه قادر بوفازدن بر آز اوزاچه ایسه ده فایت دهرین و ایجری
کیرمش ایکی کور فرزه مالکدر . کور فزک بری شمالده ، دیکری جنوبده دره . ایکسی ده
مکمل استحکامات بحریه انشاسنه مساعددر . لیمنی جزیره سی هانکی بر دولته انتقال
ایدسه چناق قلعه بوفازندن چیقده جق بر دونما لیمینده کی دونما به غلبه ایتکسزین
اطه بی آرقده براقاماز .

[۱] فیلوتیلا ، طوریده بحر بلرندن مرکب کوچک بر فیلودر .

تورکيا بودرت جزیره بی الندن چیقارمانغه فوق العاده جهدوغیرت ایدمه جکدر .
بونلر چناق نلمه بوغازی ایچین نه قادار اهمیت حائز ایلر ساقز ومدلی جزیره لرینگ دده
ازمیره قارشى اوسرنبه ده اهمیتلری واردر . مدلی به اسقناد ایدن بردونانما
ازمیر ایله هر درلو موارداتی قطع ایدمه بیلیر . ساقزده عین حالده در . بو آطمه قیمتی
لنکر عخلری موجوددر . وقتيله بو صولرده مدهش محاربه لر وقوعبولمش ایدی .
ازجهله ساقزک قارشیدسندکی چشمه نصبه سی محاربات خونریزانه سیله مشهوردر .

ساقزک جنوبندن ، سیدام وقاربوطدن اعتباراً آناتولی سواحلی بونجه
ردوسه قادار برسلسله جزائر واردر . مهملری باطنوز ، لریوز ، قالمینوز ،
استانکوی و آپسقونی [۱] درکه ، عثمانلی - ایتالیا محاربه سنده بک چوقوقایمه صحنه
اولمش واسملری متوالیاً ذکر ایدلمشدر .

آناتولی به بک زیاده قریتلری اولماسندن دولایى بو آطه لر مالک اولان پردوات
جزئی برقونله هر زمان آناتولی سواحلی قولایقله ابلوقه ونضیبیق ایدمه بیلیر .
(آستروپالیا) جزیره سنک اهمیت عظیمه سی ، عثمانلی - ایتالیا حربنده بتون معناسیله
تظاهراتمش ، آطه لر دکزنده اجرای حرکات ایدن ایتالیا دونانمانسه اس الحرکه
اولمشدر .

قاشوط و کره به آطه لری ردوس ایله کرید آرزسندمه بولونمالری حمیدیه شایان
اهمیتدر .

آطه لر دکزنده ، ضیاعندن تورکیایی اک آزمتمحسن ایدمه جک طاشوز آطه سیدر .
زیرا بو آطه دن قواله لیمانی سهولته سد اولونه بیلیر .

والحاصله تورکیانک ، آناتولی سواحلی تعقیباً و متناظراً ردوسه ده بکین
تسلسل ایدوب کیدن بتون آطه لرک حاکمی اوله رقی قائمه چالیشماسی کندیسى
ایچین حیاتی برمسآله در . .



قاربوطدن ماعدا جزائر اثنی عشرله برابره حرباً ردوس واستانکوی آطه لر فی
ضبط واشغال ایدمن ، بونلری « لوزان » معاهده سی موجبنه تورکیا طرفندن
[۱] آپسقونی ، ایلیا کی آطه سنک شرق جنوبسندمه برون اسمیدر . محرر مقاله نک
بو آطه بی قصد ابتدیی شبهه سزدر .

طاب وقوعه اعلیاً اداره ایتمکده بولنان ایالتیا حکومتی بیله بوکون تاریخی و هر حق بر نسبت دولایسیله آطه لر مزده برحق قرار و تملک ادعاستنده بولونماور ؛ بالعکس آطه لرك تورکیایه راجع اولدینی نقطه نظری قبول و تصویب ایدیور ؛ و حق بواطه لری تورکیا دن ماعدا هیچ بر حکومتی تسایم ایتمه مک مقصدیله لوزان عهدنامه سنه بر ماده مخصوصه علاوه ایتمشدر .

ایتالیا قوه اشغالیه قوماندانی جنرال آمه لیونک ۳۲۸ سنه سی تشرین اولنده ردوسده نشر و اعلان ایندیکی یاز نامه صورتی بومناسبتله عیناً زبره نقل ایدیورز : « حکومت متبوعیم جانبدن وارد اولان تلفرافه نظراً ایتالیا قراللی ایله عثمانلی ایمپراطورلی بینلرنده منمقد صلحنامه نتیجه سی اوله رق ذات پادشاهی جانبدن راده سنیه آتیه شرف صدور ایتمشدر : سلطنت عثمانیه مک تحت حکمر اینسنه

وضع اولونان بحرسفید جزائرنده اهالی به عدالتک مساواة توزیعی و هیچ برکونه جنس و مذهب فرقه باقیلمه سزین انلرك کال استراحتله تمیشلرینک تأمینی ضامننده کرك اداره جه و کرك عدلیه جه اصلاحات اجرا اولونه جقدر . مأمورین و حکام لسان محلی به آشنا و اهلیت لازمه یی حائر اولدقلری معلوم ذوات میانسندن نصب اولونه جقدر . جرائم عاده ایله مهم بولونانلر مستثنی اولوق اوزره محاصماتنه اشتراک ایدنلر و یا بومناسبتله تحت مسؤولیتده بولونانلر حقلرنده بلا شرط عفو کامل احسان بوبورلمشدر . بناء علیه کرك اسباب سیاسییه و یا عسکریه ایچین و کرك انشای محاصماتنده بیان ایلدکلری افکاردن دولایی هر نه صنف و موقعه منسوب اولورسه اولسون تحت محاکمه آله میه جتی کبی شخصی و ملکی حقوقنک موقع اجرا به وضعیتده هرکونه تصدیق و تعرضدن مصون بولونه جقدر . بوکبی اقمالدن دولایی تحت توقیفده بولونانلر و یا نقل ایدنلر همان سربست براقیله جقدر . مع هذا بالادکی اراده سنیه مک تشریله برابر شیمدیلک ایتالیا عسکرینک تحت اشغالنده بولونان جزائرده مذهب و حقوق شخصیه و اساسیشک محافظه سی ایچین مرعی الاجرا احکامده تبدلات وقوع بولما به جتی اخطار اولونور . »

مقطوعیت

آطه لرك زير حاكيت عثمانيه ده بولون دقلىرى مدنجه مظهر اولدقلىرى امتيازات و مساعداته نقل كلام ايده لم : بونلرك اك مهمنى مقطوع و بركيلر تشكيل ايديره .
مقطوعيت ، مقدارلىرى ۵۱ تاريخلى فرمان ايله مقيد و اسپوراد آطه لرينه مخصوص سنه لك بر وركى در . فرمان ، بواطه لرى كا كان ايزباندورلك [يونان قورسانلرينك] تجاوزاتندن سيانت وظيفه سنى حكومته توديع ، بوكا مقابله ده مقطوع و بركيلرينى منتظماً ردوس بكنه تا ديه ايتك مكلفيتنى جزيره لر اهاليسنه هممیل ايتمشدر . مقطوعيتك مبدأى بودر .

حالبوكه ، مقطوع و بركيلر اوزمان بيله اطله لرده مستخدم مديرلر معاشاته ، ضبطه لر مخصوصاته غير كافي ايدى . آچينك قايانيه لاسى لازمدى . ۷۲ تاريخلى صوك فرمان امداده يه يتشدى ؛ عجب نامرله آله نكلكده اولان بر طاقم رسومى الفا ، وركى و بدل عسكرى به قلب و افراغ ايله دى ؛ اطله لردن اطانه ناميله انه حق مناسب مقدار مبالغه مقطوع و بركيلرله بالتوحيد ، مقطوعيت ناميله دكل ، وركى و بدل عسكرى نامرله اسقيفاسى امر و تأمين ايتدى .

بو صورته مقطوعيت^۹ اورته دن قالديرلمش ايكن خيفاكه ، او عصرده كى بلكرك ، واليلرك بصيرتسزلىكى ، مبالانسزلى ائرى اولاراق ۵۱ فرمانك احتوا ايتدىكى مقطوعيته دو قونولمادى . صوك كونله قادار بومساحه كار ، بو خطا آلود وضعت دوام ايدوب كيندى .

بو ، نسبه بر نوع استقلالدى . عثمانلى روملىرى سنه لرجه بوندن مستفيد اولدیلر ؛ بوسايه ده ميليتلرينى ، لسانلرينى ، اخلاقلرينى محافظه ايتدیلر ! .

تكليف مقطوع ، جزائر بحر سفيدك لوا وقضا مركزلرينك هر برنده موجود و برر شعبه فساديه دن معدود اولان « ديمورونديا » لر (مختار خانلر) طرفندن اهايلدن تحصيل ، حكومت وزنه سنه توصيل اولونوردى . ديمورونديالر ، مختار و هيأت اختياريه به متعلق و ظاهندن زياده بلديه ايشلريله ، جزيره نك معاملات عموميه بيله اشتغال ايده لر ، ساده لان خالقك مقدراتيله اوسارلردى .

ديمورونديابه رياست و اعضالق ايدنلر ، يونانستانده اكمل تحصيل ايتمش متغلبين

و متمولین کروهندن ایدیلر ، بونلر ، نیک و بدینی تفریقدن عاجز جهله ناسک
باشنده کابوس منالی ر بارکران ، حکومت ایچین ده زهرلی برر بیلان ایدیلر .
بو آدملر ، حکومت عثمانیه نك جزیره لر ی خلقنه کوس-تردیکی لطف و عاطفی
ظاهر آ جانہ منت عد ایدرک ایتالیان و بالقان حربلرینک وقوعنه قادر- مأمورلر
ایشلرینه قاریشما دجه - دولتی اشغال و اشکال ایدرک بر حال و حرکتده بولو نمازلر ،
و حقیقتده ایسه سامان آلتندن صو یور و تورجه سنه کیزلیدن کیزلی به دائمی یونان آمال
و افضالنه خادم اولمقدن خالی قالمازلری .

جزئی المقدار اولان مقطوع و پرکیلر ، دیور و رندیالرجه عوامک جهلندن بالاستفاده
اون مثلندن فضله سنه مساوی درجه ده معارف ، محیه و بلدیہ مصارفی قارشیلانی
اولق اوزره مختلف ناملرله استحصال ایدیلریدی .

بو تحصیل و توزیمه . بر موجب امتیاز ، حکومت قطعاً قاریشما زوقاریشدرلمازدی .
وظیفه- فی دوشون ، وطنی عشق ایله سون بعض ادره رییسلری جسارت ایدوبده
بر حساب ایسته دیکنده دیور و رندیالر ، توزیع و تحصیل ایتدکلری مبالغت ثانی ، ربی
نسبتنده بر جدول تنظیم و حکومته تقدیم ایدرلردی . بو جدوللر ده مقطوعیت مقدارندن
فضله کوربله جک مبالغت مکتب ، دو قنور ، احزاب و بلدیہ مصارف و معاشانه
صرف اولندیقی بیان ایدرک حساب برنی قاپانیرلردی . حاله که ، کوس-تردکلری
مقدارک چوق فونده اولان تحصیلانی ، بعضاً ایشلرینی قورجالایان ، ایچ بوزلرینه
واقف اولمغه باشلایان والی ، مصرف و قائم مقاملرک عمرانه عائد مصرف دیه دیور و رندیا
هیأتجه قسماً بلع ایدیلر ، هر حالده قسم اعظمی دونانما و سائر ماغانه سی اولق اوزره
یونانستانه اشیریلردی .

بو مقطوعیت اساسندن ماعدا (اسپوراد) اطهرلنده لیمان ، رزی و طاش اوچاقلری
کی قوانین و نظامات حکومتک هیچ بری مرعی الاجرا دکلدی . فراغ و انتقال
ماملاتی دخی اهلای طرفندن منتخب و مأموریتلری حکومتدن مصدق مرکز بقری
نوتلری معرفتلیله جریان ایدر ، دفتر خاقانی قلملری نوتلرک و بردکلری اوراقه
مستنداً اجهانه سندات تصرفیه بی تنظیم و اعطا ایتکله مکلف بولونوردی .

داها ضریبی : بدایت محکمه سی موجود اولان بو اطهرلرک بعضی-یسندد [سومبکی
کی] جزا دعوالرینی دیور و رندیالر رؤت ایدر ، کندی تعرفه لرینه کورده خرج
و جزاء نقدی بیله استیفا ایدرلردی .

نامق کمال بك مرحومك سومبكيده منصوره قوروتيله نه صورتله تحريرقوسه موق
اولديني و جزائر بحرسفيد واليتى انظم باشانك بحريه فريقي خليل باشا ايله برابر
سيام [صوفيلى] حادنه عصيانيه سنك ازاله سي آنلرنده حميده قرووازوريله قاربوط
جزيره سنه عزيمت ، قرووازوروك طوبلريله ارثه آتارسطوت ايدهرك ديغوزوندياني
قوانين دولتك اجراى احكامنه ناصل مجبور ايتديكى ارباب و قوفك معلوميدر .

ايسته حكومت اينجنده حكومت ديمك اولان بواحواله مع الاسف باب عالمز بك لاقيد
برسيرجى ايدى . اووقت سياست حكومت « سيزلى چيقماسين ؛ اداره ايدلسين ا »
ضايه ضعف آوربي تعقيبدين عبارت اولديغندن ديغوزونديالر ايسته دكلرى كچي حركت
ايتكده فاعل مختار ايديلر .

بوكون ، قناعت كامله ايله امين اولالمك ، حكومت عثمانيه نك اوسكونى ،
اوسكونى اداره سنه آطه ليلر چوقدن متحسردرلر .
شيمدى صيره سيله اطه لردن بحث ايدلم . متفرع وتالى مطالعات بوبخشلرده
ذكر اولنه جقدر :

ردوس آطه سي

Rhodes

جزائر بحرسفيد ولايتك مركز اداره سي بر مدت قلعه سلطانيه ، سافزه مدلى
وردوس آرالرنده تحوله اوغرادقن صوكرانهايت ۱۳۰۳ سنه سنده صورت
قاضيده ردوسده تقرر اتمشدر .

ردوس ، مدلايدن صوكران ولايتك اك جسيم آطه سيدر . ۹۲۹ تاريخ عھريسنده
قانونى سلطان سليمان خان طرفندن فتح اولونورق ممالك عثمانيه ايدخال ايدلمشدر .
ردوسك ضبطى « قنده » هامر ، تاريخنده شومعلوماتى ويربور :

« اوج يوز يلكندن مركب عثمانلى دونانماسى ، باش قوماندان تعيين اولونان
وزير مصطفى پاشا قومانداسنده اون بيك بحريه واطفائيه افراديله بحراً و سلطاني
سليمان قانونى ده يوز بيك عسكر و بوبوك چابلى اون ايكي طوب ايله اناطوليستن ،
مرمريس اوزرندن برآ ردوسى محاصره ايتمشدر و ردوس حكمدارى « ويليهدوليل
آدام » طرفندن ده ردوسك مدافعه و محافظه سي اون ايكي لسان شواليه لرينه ، (يعنى :
فرانسز ، ايتاليان ، المان ، اسپانيول ، پورتگيز ، انكليز ، اووه رينا و پروانس
شواليه لرينه) توديع ايلمش ايدى . پادشاه اوردوسى اولديغجه مهم ضايعاته رھما ۱۵۲۲

سنهٔ ملايه می کانون اولنده ردوس قلمه سی آسغیر ، حکمداری اسیر ایتدی .
 پادشاه ، حکمدار و بیه دولیله قارشی « بوخریستانی اختیارلفنده خانه سی
 و اموالنی ترکه مجبور ایتدی کمندن دولایی متأسف اولمایور دگم » قول شاهانه سیله
 شایسته تبجیل بر عالی جنابلق اظهار بوپورمشدر . ردوسک سفوطی ، اوکاتباع
 اولان سکنر اطنکده (لریوز ، قالیتموز ، استانکوی ، اینجیرلی ، ایلیکی ، هرکیت ،
 لینیونا و سومبکی اطرینک) دوشمه سی موجب اولدی .

قالین و غمکین سورلریله ، معروف و مخوف برجلریله من قلدیم منفیلرینه ،
 محبوسلرینه تنکنای عذاب اولان ردوسک منظرهٔ عمومیه سی ؛ بتون کوزلک لک لک
 فوقنده بر کوزلک کوسترر . مستثنی ، ممتاز برشمریت تمثیل ایتدی کنی ، ژائرلرینک
 قلبنده لایزال برحس انجذاب اویندیردیفنی سوله مکله ردوسک لطافت نخبیه سنه ترچان
 حقیقت بیان اولدوغهمه اعتماد بوپورلمایدیر . ذاتاً اقلیمک نزاقتی ، آب و هواسنک جیادتی
 مشهور جهاندر . موسم صیفده ردوس ، تورکیان و آوروپان ، مصردن کان
 متفرجلرک روحلری پر ذوق و نشاط ایله ؛ سل الزمه مصابتنه برساتورپوم قادار
 دواساز اولور . بوالطباط ایله کولکم ، ردوسه : « سترهٔ زمردینه بورومش ،
 بحر سفید حوضه سنه قوندورلمش بهارک مرصع برلوحه داشکاریدر » دیور .

ردوسک تاریخده قدیم رموقی ، برشهرتی واردر . میلاددن خیلی سنه لر
 اول ردوسده مختلف برچوق اقوام بولوندی ؛ حکومتلر یاشادی ؛ وقایع هدیده به
 محنه اولدی ؛ هپسی کلوب کجیدی ؛ حتی محبائب سبعة عالمدن معدود (آپولون)
 هیکنک بیله - قبل المیعاد ۲۲۲ سنه سنده مهتم و نابد اولمشدر - محل
 رکنی اولقله بین الامصار احراز رجحان ایلده دی . ردوسک احوال تاریخیه سی
 تفصیله بمحتمل مساعد اولمادیفندن صدده رجوع ایدیپورر .

فقوس . — شووالیه لک ردوسده حکمران اولدقلری زمان اهالی متبوعه سی
 جزیره نک بالکنز قلمه سی درونده کی شهرده ولیندوز ، یالیسوس و قامیروس [۱]

[۱] لیندوز ، کنندی اسمیله مسمی ناحیه نک مرکزی اولوق اوزره الوم موجوددر .
 یالیسوس ، آکلاشیلدیفنه کوره حالاً ردوسک ضرب جنویسنده « تریاندا » سواحلنه علم
 اولمشدر . قامیروسک ایسه شیمدیکی قاستلوز ناحیه سی مرکزخی اشغال اتمش اولماسی مظلوندر .
 قاستلوز ولیندوز ناحیه لرنده شایان تدقیق و تذکار برشی کورمه مدیکم ، شهره دائر بسط
 اولونان مطالباتک عیناً بورالرده همولنی طبیعی بولدوغم ایچین فضلہ تفصیلات ایله قارئین
 کرامه کلال و برمک ایسته مدم . شوقادارکه ردوس شهرکی آبی بوناحیه لرده دخی شووالیه
 دورلندن قاله خراب و معدوم یمنار الآن کورولمکده در .

قصبه لريله بر قاج قريه سنده تمکن ايتمش ابدى . توركلرك آطيه استيلا ايتمه لرى اوزرينه شوو اليه لرك ارکانى قدس طرفلرينه ، كندى هر قريه ، نسوب اهالى ده بالضروره شهرى ترك ايله داخله چكيديلر .

مجاهدين اسلاميه شهرى اشغال و املا ايتدیلر . اوراده بنای حكومتى قوردیلر . قائله لرینى كتير تدیلر . موجود و منضم مبانی به يراشدیلر . عصر آ بعد عصر قلعه ايچنده يكرى دوت محله وجوده كئيرلدى . الآن اهالى مسلمه بو محله لرده بيتوت ايتكده در . يالكز صداقت مخصوصه لرينه بناء موسويلرى اورلینه الديلر . اونلره كوچوك و بيوك حورا ناملريله ايكي به ايرلش برهله تفريق و توديع ايتدیلر .

سوكرالرى نفوس اسلاميه تكائف ايتدى . مسلمانلر قلعه سوزلرينك خارجه نه چيماغه مجبور اولدیلر . اورالرده نولر ، ظريف صيفيه لر ، باغ و باغچه لر ياپدیلر . هيات هموميه سنه (واروشلر [۱]) عنوانى ويردیلر . ويكى ، اورته ، اشانخى و سونبوللى واروشلرى ناملريله دوت قسمة ايردیلر . بالآخره بونلره برده « دسپوط واروشى » علاوه اولونو ير مشدر ا

قلعه ايجى محلاتندن ، واروشلردن باشقه مسلمانلر ردوسك بدى قريه سنده املاك وار اضيه ليه برابر مستقل و اتى قريه سنده خرسه تيانلرله مختلط اوله رق توطن ايتمشلردر .

وقتيه لر دوسده ۷۰,۰۰۰ اسلام بولوندوغى مرويدر . بوروايتك همتته قائلر . قلعه سورلرينك جوانب اربعه سنده كى بر ساحة مقسمه نك اسلام قبرستانيله مالا مال بولونماسى صدق اخباره آده آسا بويوك بر شاهدر . قلعه ايچنده ، طرز عتيق معماريلريله بنام ، سلطان مصطفى و سلمايه ، طور غود رئيس ، رجب پاشا ، ابراهيم پاشا جوامع شريفه سيله اونوز اوچ مسجدك [۲] اجنيلرك بيله پرايه بخش اناظارى اولماسى ده اوشهادته بر قوه تأييديه اولور . واسفاكه ، بوكتله نفوس ، امراض سساربه و هوارض كونه جيلولتيله آنا قاناسيره كاشه رك دوچار تناقص اولمشدر .

ايام اخيره ده جز برده ۳۳,۰۰۰ نفوس مقيسد ابدى . بونك كريددن كلن مهاجرين ايله برابر اون ايكي بيكى مسلم ، اتى بيكى موسوى ، اون دوت بيكى

[۱] واروش ، مهارلساننده بر قصبه نك سوري خارجه نك محله به اطلاق اولونور .

[۲] بو مسجدك يكرى اوچى مفروط له لرى مندرس اوله رق الهوم مسوده در .

عیسوی در . بالذنبه ، نفوس عمومیه نك بوزده . اوتوز یدیسنی اسلاملر ، اون دو قوزنی موسویلر ، قرق دوردینی خرسیتیانلر تشکیل اتمش اولوبورلر . موسویلر اسلاملردن آیرلماقنی ، اسلاملرله برلکده یاشایوب برلکده اولمکی هنرم ایتدکلرندن اکثریت نفوس روملرده نیجلی ایدمز .

شیمدی اطهدهکی روملرک صوفی صوفی تدقیق و تحمیل ایدلم ، که ، روملقه نهله نوسلفک بوراده هیج بر مناسبی اولمادینی صورت قطعیهده آکلاشیلمش اولسون . تاریخ الجزده لایموت بر وثیقه در :

شووایله لرك اوان حکومتنده بر شردمه روم ، امل تجارته آناطولیدن ردوسه کلیر ؛ اوقاق تفک اخذ واعطا ایله شوو ایله لرك آراسنه قاریشیر ؛ تماقب ازمان ایله شووایله لره حلول ایدمز ؛ اونلرله استیناسه ، تزویج و تزوجه باشلار ؛ نفوسلرینی تکثیره ، اورتودوقسانی توسیعه میدان بولور ؛ شووایله نسلدن کلن ، اورتودوقسلالشان بوخلق ، قسماً سورلر ایچندهکی شووایله لر آراسنده وقسماً خارجهدهکی قصبسات وقراده یاشار ؛ بمدالفتح قلعه درونندن وقصبه لردن چیقوب اطه نك داخل وساحلرینه یایلیر ؛ اورالرده محدث کویله یرله شیر ؛ مساوات حقوقه مظهر اولور ؛ خانلر ، کلیسار ، مکتبلر یاپار ؛ اراضی تصرف ایدمز ؛ بدرجه مال و منال صاحبی اولوب قالیر . ایشته ردوسک واروشلرنده ، کویلرنده کوردیکمز ، طانیسیدیکمز نه لکک داعیه سندهکی چور باجیلر ، بوولده تناسل وعضو اتمش رعایامزدر ،

بو—وزلری سویلرکن ، بویازیلری یازارکن قلب بنه صزلادی ، قلمده خیر یالاندی ، اوتهدنبری سرایلرمن ، حککومتلرمن اسلاما قابت اندیش اولماش ، دوشونج سز لکک ، اداره سز لکک نخریکار نتیجه لرینی بوکون بزه ادراک ایتدیرمشدر . منع نفس ایدمه میهرک کمال تأسف و تأثرله بوتقیه دانده بولونوبورز .

نهدر بو ، مملکتلرمنک طاشیدینی ، تعلق آتنده ایته دیکی اجنبی اسملر ۱۱ دوشروسنی ، تاریخی بونلرله ادامه اتمک فکرینه ، هر نه دینلیرسه دینلیرسن ، بدرلو اشتراک ایدمه میورم .

شهرلر بزمه ، کویلر بزمه تورکجه براسم و برمک ، اورالری او تمیزاسملرله طانیتمق عیبا زمامداران دولت ایچین معضلات اموردنمی . مدودایدی ۱۹

الحالة هذه دكل اطهر مزده ، مع الاسف وطنمرك هر بوجاغنده ايشتيديكمز ، سويهدديكمز يابانجي ، سويهمز مملكت اسمائريك قارشيسنده تورك قانسيله چاربان بوره كلر ، تصوير و تصويري مجال ، آتئين برمرات ايجنده قاورولوب كيديبور . خرافه قبيلندن اولسه دخي نه لاره - يونانيلره - بوتسميله دولايديسيه برزمين قيل و قال آچمه كوز يومه حق قادار اذعانمزمي ايدك ۱۹ .

ردوسك واروشلرنده متمكن رومرك ، بك اوزاق سنه لره راجع اولماق اوزره ، محله ريني استراتيقوز ، آي بوركي ، نه خوركي ، آي نيقولا نامريله ياد ايمه لرينه سكوته مقابله دوشرومي ايدى ۱۹ هيات . . .

ثروت - ردوسده قابل زراعت اراضى آزد . موجود اولانلركده چوخي ، اصداق بجره مستحاطه لريله (Les Fossiles) بالامتزاج نجر ايتش برنوع ايرى قوم قيرينتيلرندن مركيدر . بناء عليه قوة انبائه يوق كيدر . طوپراق احتياجي ، اهالى بي ، كوزه لم اورمانلرك محاسنه ، ترلا آچق سوداسنه سوق اتمكده در . جزيره نك حاصلاتي ، اعاشه ضرورتى آنجق درت بشاي قارشى يلايه سيلير . انطاليه ومكرى طرفلرندن ردوسه دائما اون كلير . كويليلر ده سنه نك رقاچ آي رنجبرك ، دولكرك اتمك اوزره اناطولىده كچيرمكه مجبور اولورلر . اناطولى قابيلرني قابانجه ردوس قراسى آچلمه محكوم ديمكدر . بوتريف ، ثروتى شهرده ، تكتيف ايدبور .

ردوسك مهم تجارتي ، شهرابه جوارينك ، سنه نك رقاچ وسمنده ييشدريدكي متنوع سبزه وميوه لردن عبارتدر . بونلري ييشدبرن طوپراق ، بوبوك امكارله تربيه ايدلش ، نمودار اولمش در . سبزه وميوه لره هر يردن اول زدوسده چيقار . استانبولده ، ساحل لرده كورديكمز تر فنده سبزه وميوه لركا كتر ليسى ردوس محصوليدر . اوزومى ، پورتاقالى ، ماندارينامى ، ليمونى ، تورنجي و صوغانى ، بال قاباغى مبذول و مشهوردر . بونلردن كليتلى اخراجات وقوع بولور ؛ و تمش سكسان بيك ليرا راده سنده تمتع كه تير .

كرك بو تجارتنك ، كرك چارشيدنه كي صنه تارك اقسام عظيمه سي اسلاميه ايدى ؛ فعاله سنده . آرزند خريتيانلر تك توك كورولور . اسلاملردن سو كراچارشيدنه موسويلر ك فعالتي كوزه چارپاز .

ردوس حېسبخانه مھومېسني ده بر طرفه انمايلم : جو زدن باسټون ، نالين ،
 سياره طبقه سي وسار مھومېسني صد فلرله مزين معمولا ئي هر یرده روا جياب اعتبار
 اولقمده ، عاملرېنه ودولايېسيه مملڪته آرزوق بر منفعت تأمين اېتمده در .
 جزیره نك برسنة لك املاك و اراضی و برکيسي ۳۵۰,۰۰۰ غر و شدره شهرده كي
 املاك و اراضی به نسبت ايديليرسه بومقدار ك ثلثاني ردوس شهر به جوارېنه اصاب
 ایدر . شهرده ، كثر ت نفوس اسلامره متوجهدر . اولقده ثروت ملكيه نك
 اسلامره انحصار اېنديكي غير قابل اعتراض بر حقيقتدر . سميد بلك ایده كي حسابي
 بونسيق توثيق ايدير :

	قراده	شهرده	يكون
	غروش	غروش	غروش
اسلامرك	۱۵,۰۰۰	۱۶۰,۰۰۰	۱۷۵,۰۰۰
موسويلرك	.	۶۵,۰۰۰	۶۵,۰۰۰
هيسويلرله اجنيلرك	۶۰,۰۰۰	۵۰,۰۰۰	۱۱۰,۰۰۰
هموي يكون	۷۵,۰۰۰	۲۷۵,۰۰۰	۳۵۰,۰۰۰

بناء عليه ثروت ملكيه نك يوزده اليسي اسلامرك ، يوزده اون دو قوزي موسويلرك
 و يوزده اونوز بري روم و اجنيلرك ايسه ده ثروت نقديه نك يوزده الي بشي موسويلرك ،
 يوزده يكرمي بشي مسلمانلرك و يوزده يكرمي سي ده خرستيانلرك در .

وضعيه — ۱۴۶۰ كيلومتر و مربعي مساحه سطحيه يي وايكي ناحيه ايله قرق
 بش قريه يي احتوا اېتمش ، اناطوليدن يكرمي كيلو متر و لوق قبصه بر مسافه ايله اچيلمش
 اولان ردوس اطه سي ، بز اناطولي به قارشې بر حصن حصين وضعينده كورور و فن
 حرب متخصصلرېنك بوفكر مزني تقدردر . زده اجمه به جكلرېنه شبهه اېتمه يز .

ردوس ، اناطولينك حالا و آتيا انكشافات بحره و اقتصاديه سي تحت ضمانته آلان
 هر ميس كې بويوك بر كور فرك ، قيمتلي رلېمانك . مهم بر قضانك ايشلك اسكله لرېنه ،
 اوزون ساحلرېنه بر هيتلي حا كدر . لذي الايجاب حرڪات عسكريه سي به اورالري
 تهديدده ، دوناما آبلوقه سي به تضيقه مقتدردر . ردوسك قاچاچيلره ، قورسانلره
 اتجاكاه و ساحلر مزكده جولانكاه اولماياجتي كېم تأمين ايده بيلير ؟

هانگی دولت ؛ بوغوانه ، بو فضایمه . تجملدن ؛ نهایت هر شی کوزه آلیئر ؛
هر فذاق و قوعا کایر ؛ حادثت و واقعه نلر کی آلورل صاحفه باشلار ؛ لاولر اوزاق یرلره
قازار آقار ، ادرالری ده یاقار ؛ اورتاق آتس ایچنده قالیر ؛ نهایت مسالمت صومیه
چوروك چنبرشکلنه کیرم ؛ بلا باشلره چوکر . . .

بزینه بو مطالعاته ، خدانکرده قید احترازی و دینداریسفی تردیف ابدور ،
عقیده قویه مزله بونلره امکان بر اقله یاجغه ایمان ایلهرز .

بناه علیه حکومتمزک ، اناطولایدن فریق قبول ایتمز بر جزء قبمتداری اولان
کوزله ردوس ، زی ده کیمسه یورمه چکنه و ویره یه چکنه ، دیگر اطهر مزله برابر
برار بونک ایچین ده اک اعظمی فدا کار اقلری صرف ایتمکدن خالی قالایه جغه مطعن
اولقله مز لازم کلیر .

قالدی که ، یونان یا اوراجیلری بواطه بی ینسه مک کی باشلرندن بویوک بر
حدناشناسلغه ، بویوک بر کماخنه داها جراتیاب اولایسایلر ! . .



مه ییس آطه سی

Kastelloryzo

(ردوس ، ساز ، مدالی و لینی آطه لره . دایر بسط ایتمکدن مطالعات و محاکات ،
اونلره بر بیک کی الخاق ایدن بونبیل کوچوک آطه لره ده تمهأ شامل اولدوغندن اوقات
آطه لر حقندن کی تمریفانده احتصار الزام اولونه چقدر .)

مه ییس ، انطالیه لوانسه ملحق قاش قضاسنک اندیفلی اسکله سی قوشیسنده ،
کورمه کای بر قایتله اوج چاریک ساعتده چکیله چک قادار اناطولینک یانی باشنده کوچوک
براطه در . ردوس لوانسک بر قضاسیدر . جزا اثنی عشر دن ممدوددو . محبسط
دازده سی اون بش میل بچربدر .

داغلق و طمانناقدن مرکب اولدیفی حالده ۸۱۳۴ نفوسی [۱] واردر . بونک
اوجیز دو قسان سکزی مسلمان ، قصوری رومدر . قصانک کویاری و مسکون
اطهری یوقدر .

[۱] نفوسلرک اکثر بی قسطه رنی والی محترمی رأیتنک اندینسک نفوس مدیری
صومیه سنده بونلر اقلری صرده ترتیب ونتر ایشکارلی فرانتزجه ایستانستیق جدوللرندن
آلمشدر .

نال (نعل) شكلده ، مدخلی دار ، ايجی كنیس ودورین ، سفاتی حریبه نك
بیه دخولنه مسعد ، فوق العاده ، مضبوط اناطولی به متوجه مهم برلنامه مالكدر .
۴۰ ییس قصبه سی بولیانك اطرافنده ، سطوح مانله اوزرنده وؤسدر . اهل ایسی
كه مبیجلك ، سونكر جیلك و بالفجیه قبه مألوفر ، اعشارو غم کی نكالیف ابریه دن
مسنئی ، یالكز و برکی و بدل عسكری مقابله سزوی ۸۰۰ لیرا مقطوعیت [۱]
مهر و طدر .

۳۳۲ سنده اندیفایدن یاكنلی برقابله یكری دقیقه كچدیكم بواطه ، اناطولیه
بیشك كیدر ، اراده کی بوغاز ، استانبولده اناطولی ورم ایلی حصه لرلی میانده کی
مسافه دن داها قیصه در .

بنه عایه مه ییس اطه سنك ، اناطولیدر ایرانغ كوچوك برقابلی بیه حائر اولمادیغی ،
ارباب مطالعه نك دخنی قبول و تصدیق ایده چكنه ، فضله ایضا ساحت اعطاسنه لزوم
كورمه به چكنه شه به یوقدر .

و انتظاره : مه ییسك ، شمول مناسبه به مناسبه تدار اولدو فی آناطولیه
قاش قائمه قانماغنه الحقی ایلمه رب ۱۳۰ كيلو مترو اوزانغده کی ردو نك اره
مفضاسنه صورقلماسنه ، نه كبی برعات و حكمت سائق اولمشدر !؟ بیله مه یز ! . .
یوقارلرده بر نصیال اكلا ندیغیز مقطوعیت و انستائیت امتیازلردن ، بونرك
تولیم ایتمدیکی بویوك استعداده لردن محروم قلامق ایچین دهر و ندیبانك استانبولده کی
زكین و مابین تشبیری نمره سیدی مهال اولوشدر ، یونسه مخالف فرمان حرکتله
اطبعده بر بابتدی چیقماندنئی نمانی ادمشار !؟ آكلا باماز ! . .

۳۳۰ ده حكومت ، بوتون قایدو لاسیونری زیر وزیر استری . داها اولکی
حكومتلرده ، فرمانرك اولسون ، حكمانی دولتك منفعت سیایه و اقتصادیه سنه
موافق صورتده تفریح ، تصحیحه امکان بولا بیابردی ظن ایده رز . .

[۲] بو مقطوع و برکی ، اوتنك اسپوراد آله لینه و مه ییسك كوچوكاكننه نسبه براز
یوكه اولماسی ، وقتله نفوسنك سائر ارفاقی آط لردن زیاده اولدینه دلالت ایدیور .

هرکیت آطه‌سی

Chalki

هرکیت آطه‌سی : ردوس مرکز قضاغه تابع ، ردوسك ۱۰ ميل غرب شده .
كان بر ناحیه در . ۱۰ ميل كجی کوی-مزدرد . يالکيز ۱۲۰۰ روم نفوسلی بوبوچک بر
قریه‌سی واردر . ناحیه حکومتی اوراده تمشیت امور ایدر .

اهالی‌سی ، سونکر جیلکله مشغولدر . (سقاقدردر) دینبلان دانغیج ماکنه لریله
جهز قاهرده ، قهر بجرده چاپشیرلر ؛ فجیج قضاالرك قربانی اولورلر . مع مافیله
برازده یاره قازانیرلر . ردوس جهندن یاننده کی (الیمینا : Limniona) اطةسنگ
مزرعه و مریالردن مستنید اولورلر .

هرکیتك مقطوع ویرکیسی ۱۰۰ لیرانی تجاوز ایتمز . بوورکی بی نفوسه توزیع
وتقسیم ایدر . كك آدام باشنه سنه ده ۸ غروش ۱۳ یاره دوشتر ۱ دیسوروندیالرك
یاغمارینه بوده بارز بر مشالدر .

ردوسدن استنکوبه قادر مرسیس شبه جزیرلری بی يك یاقیندن زینجیرله مه
قوشاتمش ، کسکین بر ترصد آنته المن اولان کوچوك اطلر آراستنده هرکیتك ده
هم ونازك بر موتقی واردر . ردوسك ، اناطولینك آسایشیله علاقه داردر .
هر حالحه اناطولینك بر جزء لایستجزا-ایدر .



سومبکی آطه‌سی

Symi

سومبکی آطه‌سی بر قضاغه جزائر بحر سفید ولایتك ردوس لواسنه ملحق در .
کندی آسینی طاشیان بوبوك بر کورفرك مدخانی اشغال ایتمکده در . جزیره نك
طولی ۱۲،۵ ، عرضی ۱۱ و محیطی ۱۷ کیلو مترودر ؛ شمالنده مریس لیمانه ، مشابه
فقط داها و-اع و بوتون سفاتك بارینمانه داها صالح بر لیمانی واردر .

قصبه‌سی ، لیمانك شرق جهننده ، ديك بر پاماج اوزرنده در . نوله رینك بر
قسمی اطةنك آرقه طرفنه دوغرو یا بله شدر . قصبه نك شكلی عمومی بره آتی-
ته یاز ، می نظیر ایدر . قضاغك ، قصبه دن بانقه کوی بوقدر . نفوسلی ۷۹۳۶ رومدر .
سومبکینك ساحلاری پك کیرینتیلی و چیقینتیلی در . هر طرفنده متعدر لیمانز ،